



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.141/2025

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ramush Bardiqi Kryesues, Hidajete Gashi Alaj dhe Kujtim Pasuli anëtarë, duke vendosur përkitazi me ankesat e subjektit politik GI Novo Lice – Narodna Pravda, me seli në Mitrovicën e Veriut, paraqitur kundër subjektit politik Lista Serbe, me seli në Mitrovicën e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Zgjedhje Lokale në Republikën e Kosovës, që do të mbahen më datë 12 Tetor 2025, në seancën e panelit të mbajtur, më datë 11.10.2025, merr këtë:

V E N D I M

I. PRANOHEN të bazuara ankesat e subjektit politik GI Novo Lice – Narodna Pravda, me seli në Mitrovicën e Veriut, ZL.Anr.141/2025, ZL.Anr.142/2025, ZL.Anr.143/2025, ZL.Anr.144/2025, ZL.Anr.145/2025, ZL.Anr.146/2025, ZL.Anr.147/2025, ZL.Anr.148/2025, ZL.Anr.149/2025, ZL.Anr.150/2025, ZL.Anr.151/2025, ZL.Anr.152/2025, ZL.Anr.153/2025, ZL.Anr.154/2025, ZL.Anr.155/2025, ZL.Anr.156/2025, ZL.Anr.157/2025, ZL.Anr.158/2025, ZL.Anr.159/2025, ZL.Anr.160/2025, ZL.Anr.161/2025, ZL.Anr.162/2025, ZL.Anr.163/2025, ZL.Anr.164/2025, ZL.Anr.165/2025, ZL.Anr.166/2025, ZL.Anr.167/2025, ZL.Anr.168/2025, ZL.Anr.169/2025, ZL.Anr.170/2025, ZL.Anr.171/2025, ZL.Anr.172/2025, ZL.Anr.173/2025, të datës 10.10.2025, kundër Subjektit Politik Lista Serbe, me seli në Mitrovicën e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Zgjedhje Lokale në Republikën e Kosovës, që do të mbahen më datë 12 Tetor 2025.

II. Subjektit politik Lista Serbe, me seli në Mitrovicën e Veriut, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 15,000.00 (pesëmbëdhjetë mijë) euro.

III. Detyrohet Subjekti politik Lista Serbe, me seli në Mitrovicën e Veriut, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

IV. Urdhërohet subjekti politik Lista Serbe me seli në Mitrovicën e Veriut, që nga momenti i marrjes së këtij vendimi t'i largoj posteret dhe materialet zgjedhore nga vendet e hapësirave publike të përshkruara më ankesat e datës 10.10.2025.

A r s y e t i m

Me datë 10.10.2025, PZAP-i, ka pranuar 33 ankesa të parashtruara nga Subjekti Politik GI Novo Lice – Narodna Pravda, ku pretendohet se me datë 09.10.2025, aktivistët e GI "Novo Lice - Narodna Pravda" kanë vërejtur se subjekti politik Lista Serbe kanë ngjitur materialin e tyre promovues, duke shkelur Rregulloren Zgjedhore nr. 7/2024. Parashtruesi i ankese te gjitha ankesat thekson se subjekti politik nuk ka larguar materialin e tyre promovues zgjedhore si dhe ka vendosur edhe materiale tjera zgjedhore (shtylla elektrike, parqe, stacion të autobusit, mbikalim, trafo-stacion, rruge publike, objekt hekurudhor, objekt në pronësi të Agjencisë për Privatizim dhe ne hapësira tjera publike me te cilat ka promovuar subjektin politik Lista Serbe. Parashtruesi i ankesave thekson se me këto veprime është shkelur Rregullorja Zgjedhore nr. 7/2024. Andaj propozojnë që PZAP ti pranojë ankesat si të bazuara, që në përputhje me rregulloret të shqiptojë dënimet përkatëse ndaj subjektit politik Lista Serbe. I njëjti per te mbështet pretendimet e tij me ankese i dëshmi ka bashkangjitur fotot.

Në përgjigje në ankesë subjekti politik Lista Serbe thekson se GI "Novo lice narodna pravda" ka paraqitur fotografi, të cilat i ka përdorur tashmë në ankesat e tyre të mëparshme kundër subjektit tonë politik, duke u përpjekur të mashtrojë gjyqtarët e nderuar të Panelit Zgjedhor për Ankime dhe Parashtrësia. Kjo është një insinuacion i dukshëm dhe i qëllimshëm, me të cilin është keqpërdorur e drejta për ankim, pasi është e qartë se ajo nuk është paraqitur në përputhje me Rregulloren Zgjedhore nr. 1/2025. Propozojnë që PZAP-i të miratojë përgjigjen në ankesë si të bazuar dhe të hedhë poshtë ankesat e paraqitura nga GI "Novo lice narodna pravda".

Paneli, në kuptim të nenit 6 paragrafi 6 të Rregullores për Procedurat e Parashtrimit dhe Vendosjes së Ankesave të PZAP-it, dhe nenit 84 paragrafi 1 të Ligjit Nr.05/L-031 për Procedurën e Përgjithshme Administrative, me qëllim të ekonomizimit të procedurës, ka bashkuar 33 ankesat e datës 10.10.2025, të paraqitura nga subjekti politik GI Novo Lice Narodna Pravda, kundër subjektit politik Lista Serbe, me numrat e ankesave si më lartë dhe të njëjtat janë trajtuar me një vendim, andaj procedimi i këtyre ankesave evidentohen nën shenjën e përbashkët ZL.A.nr.141/2025, për shkak të natyrës së njëjtë të çështjeve, si për nga përmbajtja ashtu edhe për nga kërkesat e paraqitura të ankuesit.

PZAP, pasi që shqyrtoj të gjitha shkresat e lëndës, dhe përgjigjes në ankesë vlerësoi se:

- Ankesat janë të bazuara

Paneli pas shikimit të shkresave të lëndëve përkatësisht ankesave: ZL.Anr.141/2025, ZL.Anr.142/2025, ZL.Anr.143/2025, ZL.Anr.144/2025, ZL.Anr.145/2025, ZL.Anr.146/2025, ZL.Anr.147/2025, ZL.Anr.148/2025, ZL.Anr.149/2025, ZL.Anr.150/2025, ZL.Anr.151/2025, ZL.Anr.152/2025, ZL.Anr.153/2025, ZL.Anr.154/2025, ZL.Anr.155/2025, ZL.Anr.156/2025, ZL.Anr.157/2025, ZL.Anr.158/2025, ZL.Anr.159/2025, ZL.Anr.160/2025, ZL.Anr.161/2025, ZL.Anr.162/2025, ZL.Anr.163/2025, ZL.Anr.164/2025, ZL.Anr.165/2025, ZL.Anr.166/2025, ZL.Anr.167/2025, ZL.Anr.168/2025, ZL.Anr.169/2025, ZL.Anr.170/2025, ZL.Anr.171/2025,

ZL.Anr.172/2025, ZL.Anr.173/2025, dhe përgjigjes në ankesë të paraqitur nga subjekti politik Lista Serbe, vlerësoj se pretendimet e Subjektit Politik GI Novo Lice Narodna Pravda, janë të qëndrueshme dhe si të tilla i aprovoj për faktin se veprimet e përshkruara në ankesat e parashtruara, paraqesin shkelje nga ana e subjektit politik Lista Serbe, kjo pasi që ky subjekt politik ka vendosur material promovues në hapësira publike (shtylla elektrike, parqe, stacion të autobusit, mbikalim, trafo-stacion, rruge publike, objekt hekurudhor. Andaj, me këto veprime ka shkelur dispozitat e nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose në hapësirat private pa lejen e pronareve ose shfrytëzuesve.”*

Subjekti Politik Lista Serbe ka qenë e njoftuar me obligimet dhe përgjegjësitë gjatë procesit të fushatës zgjedhore, andaj vendosja e materialeve promovuese në fushatë zgjedhore pa lejen e organeve kompetente, përbën shkelje të legjislacionit zgjedhor, të cilat shkelje janë sanksionuar me dispozitat ligjore të LZP-së.

Subjekti Politik Lista Serbe ka qenë e njoftuar me piken IV të Dispozitivit të vendimit ZL.Anr.109/2025 dt. 08.10.2025, me të është vendosur se *“Urdhërohet subjekti politik Lista Serbe, që nga momenti i marrjes së këtij vendimi t’i largoj posteret në vendet përgjatë rrugës kryesore Mitrovicë – Jarinje, stacionin e autobusit në lokalitetin Jezero, hapësirat publike - parqet në rrugën "Vojske Jugosllavije", në mbikalimin në hyrje të Leshakut, në komunën e Leposaviqit, në vendin Soçanicë, në rrugën kryesore Leshak-Leposaviç, në trafo-stacion (në afërsi të kishës dhe zhitoproduktit”)*. Andaj duke marrë parasysh se në rrethanat e rastit konkret, Subjekti Politik Lista serbe nuk ka dëshmuar se ka vepruar sipas dispozitivit të vendimit të lartcekur, me ç’rast e njëjta ka kryer shkelje tjetër të këtij, ku këto veprime paraqesin shkelje të ligjit ashtu siç është përcaktuar me nenin 120 paragrafi 2 i Ligjit NR.08/L-228, për Zgjedhjet e Përgjithshme në Republikën e Kosovës thekson se: *dështimi për të paguar apo për të ju bindur një urdhërese të PZAP-it brenda periudhës kohore të saktësuar në vendimin e PZAP-it është një shkelje tjetër e këtij ligji që mund të sanksionohet me dënim shtesë nga PZAP-ja.*

Në përgjigje në ankesë subjekti politik Lista Serbe ka pretenduar se subjekti politik GI "Novo lice Narodna Pravda" ka paraqitur fotografi, të cilat i ka përdorur tashmë në ankesat e tyre të mëparshme kundër subjektit tonë politik. Paneli vlerëson se subjekti politikë në fjalë ka bërë shkelje të rregullave zgjedhore të sipërcituara pasi që nuk vepruar në bazë të vendimit të lartcekur, si dhe përkundrazi ka vazhduar edhe me vendosjen e materialit promovues-zgjedhor tjera të subjektit të tyre politik, kjo shihet edhe nga përgjigja e subjektit politik Lista Serbe e njëjta nuk e mohon se kanë ndodhur këto shkelje dhe se nuk ka paraqitur ndonjë dëshmi me të cilën ka argumentuar se materialet e vendosura janë larguar nga vendet ku kanë qenë të vendosura ato materiale. Arsyetimi se këto fotografi janë përdorur edhe me parë këto pretendime nuk e lirojnë nga përgjegjësia për shkeljen e bërë, përkundrazi veprimet e tilla sanksionohen me dënime shtese, kjo për faktin se me vendimin ZL Anr. 109/225 të datës 08.10.2025 e njëjta është

obliguar që të i largoj posterat dhe materialin zgjedhor nga vendet ku kanë qene të vendosura këto materiale zgjedhore, ngase me këto veprime subjekti politik Lista Serbe nuk ka bërë asnjë përpjekje serioze për eliminimin e shkeljes së bërë bazuar në nenin 120 par 2 të LZP-se.

Duhet pas parasysh se në këtë vendim janë përfshi 33 ankesa, ndërsa lartësia e dënimit i përgjigjet natyrës së shkeljes dhe praktikës së ndjekur nga paneli për raste të tilla. Pra, paneli, me rastin e vendosjes së lartësisë së dënimit si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, shkeljet e rregullave zgjedhore që ka bërë subjekti në fjalë në këto zgjedhje, përkatësisht faktin se i njëjti subjekt në këtë fushatë zgjedhore është dënuar edhe më parë për shkelje të natyrës së tillë dhe me këto veprime i njëjti ka përsëritur shkeljet, si dhe i njëjti nuk ka vepruar sipas urdhëresës së vendimit ZL Anr. 109/225 të datës 08.10.2025.

Andaj duke u mbështetur në nenin 117.3 të LZP-së ku përcaktohet se: “vendosja për ankesat nga PZAP-ja mbështetet në dëshmi të qarta dhe bindëse”, Paneli vlerësoj se pretendimet e palës ankuese janë të qëndrueshme dhe si të tilla i pranoi, sepse shkelja ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod, me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës, demokracisë, paqes dhe respektit për sundimin e ligjit. Andaj, veprimet e përshkruara në ankesë nga parashtruesi i ankesës paraqesin shkelje të dispozitivave të lartcekura, dhe të njëjtën siç është cek me lartë e pranoi si të bazuar.

Andaj si përfundim, paneli ka vlerësuar se veprimet e subjekti politik Lista Serbe janë në kundërshtim me nenin 34 paragrafi 1 nën paragrafi 1.2 dhe nenin 120 par 2 të Ligjit NR.08/L-228, për Zgjedhjet e Përgjithshme në Republikën e Kosovës.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nën paragrafi 1.3 dhe 2 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

ZL.Anr.141/2025 më datën 11.10.2025



Këshillë Juridike: Kundër këtij vendimi është e lejuar ankesa sipas neni 118 paragrafi 4 të Ligjit Nr. 08/L-228 Për zgjedhjet e përgjithshme në Republikën e Kosovës, në Gjykata Supreme të Kosovës, brenda 48 orëve nga momenti i marrjes-pranimi të këtij vendimi.